

焦山志卷七

歸安吳雲輯

碑刻

秦

重刻泰山二十九字殘石

篆書

臣斯臣去疾御史大夫臣口昧死言臣請具刻詔書金石

刻因明白矣臣昧死請牛真谷運震金石圖云秦

山秦篆二十九字在山頂碧霞元君宮之東廡後有

北平許氏跋自御字斜泐至石字中有斷痕潛研堂

金石跋尾言乾隆三年碧霞宮火秦刻遂亡此本舊
爲彭允初紹升所藏有明嘉靖間人陳魯南沂題記
碑中石字未斷無許氏跋彭氏謂許名字不詳又無
歲月其書得古隸法而模糊已甚當是明中晚人此
拓本在嘉靖以前宜無許跋也按秦篆傳世者絕少
此本是嘉靖前精拓尤爲難得因與家讓之熙載商
確鉤撫入石屬江都王衷白奏刀而能於原本形神
俱合不爽絲毫者讓之校讐之力也歸安吳雲記

重刻東海廟碑殘字

隸書

永壽元口盧口寔口面並口口芳史闕者秦始皇所
立名之秦東門闕事在史記東海廟碑靈帝熹平
元年立在東海朐山廟中洪氏隸釋云余官京口日
將士往來朐山者云海廟一椽不存自今非四十年
前舊物不復見此刻矣歐陽公時天下一家漢碑雖
在遐陬窮谷無蹊而可至集古時錄中已屢言難得
爲可寶況今乎余按朐山卽今海州嘉慶年間唐陶
山方伯爲州牧時修輯州志徧訪是碑蹤跡旣杳不

可得欲求一拓本亦不可得見茲本殘字可辨者九
曰永壽元曰盧曰寔曰面並曰芳曰史碑陰十七字
自闕者秦始皇以下皆完好無損嚴問樵太史云洪
氏釋文前有吏字末無史字或裝背家誤移其次弟
說文吏从一从史史亦聲意者借史爲吏余讀隸釋
東海廟全碑下注缺字甚多其末行芳烈永著下云
載垂馨此三字不能成句當是載史垂馨洪氏錄此
碑時原石已佚僅據墨本編入此史字爲洪氏所未
見可補隸釋之闕其碑陰自闕者以下皆完好碑錄

謂此十七字係東海相任恭修祠刻於碑陰蓋釋滿
君頌中所謂倚傾之闕者東南漢刻絕尠乾嘉時翁
王兩家見聞最博此碑獨未之見爰鉤撫勒石與重
刻岱頂二十九字同置焦山永垂不朽吳雲記

唐

石佛座刻與高吉微刻王新星刻與張鼎刻

大唐永隆二年歲次辛巳九月丙申朔十日丁未傅黨
仁傳道遠傳仁高三人合家等上爲七代父母法界
眾生敬造阿彌陀佛一鋪合門供養是石舊在安

陽縣東高穴村槐陰寺寺淪入漳河僅存此刻嘉慶
八年惠州趙希璜載來揚州九年八月歸諸焦山時
大同游者錢塘吳錫麒通州胡長齡邱縣劉大觀蕪湖
韋協夢陽湖洪亮吉趙懷玉孫星衍陽城張敦仁

嘉慶十年正月安邑宋葆淳重造石佛二侍者並題
記嘉慶十一年安邑宋葆淳揚州江藩焦循秦恩
復阮元送致焦山永無遺失此石雖經諸公題識
實未送致焦山道光十年臘八日婺源齊彥槐購自
揚州市中親載入山付僧清恆供奉勿失雲峰江水

共爲證明彥槐記

金剛經四句偈

釋貞觀

刻羅漢巖

釋清恆枯木堂筆記羅漢巖有唐人刻金剛經四句偈
於石壁詢之故老罕有知者偶閱西湖志韜光山後
有頭陀石室卽貞觀坐禪處始知貞觀是唐時僧無
疑矣

焦山詩碣

無名氏

舊在瘞鶴銘側今佚

盧志此詩卽無名氏縱步不知遠一首載藝文

又焦山詩碣

丹陽掾王瓚

舊在前碣之旁今佚

三山志瓚一作讚舊志作晉人今觀其自稱丹陽掾又
當稱功曹司兵參軍皆唐官名也京口自天寶後稱
丹陽而詩亦不類晉人語故係於唐 焦山志畧府
志唐司兵參軍事王瓚規裔孫規字威明蕭梁時人
王儉孫也少舉南徐州秀才晉安王綱爲徐州引爲
諮議參軍瓚唐人無疑

陀羅尼經幢 雲陽野夫王奐之集宗祖晉右將

軍義之書

佚

歐陽修集古錄右陀羅尼經幢唐雲陽野夫王奐之書

字畫頗爲世所珍重在潤州寶墨亭中 至順鎮江

志府治西圃有陀羅尼經石幢唐雲陽野叟王奩之

集晉王羲之書奩之自題其端云集宗祖晉右軍書

歐陽修集古錄云云宋咸淳八年郡守趙潛移置焦

山其題僧如玉瘞鶴銘辨證後云玉師示余瘞鶴銘

辨余因以掘地所得陀羅尼經右軍書遺之郡志有

墨寶二卽此帖之在州宅者與華陽真逸書也隱而

顯離而合於是古潤二寶俱萃焦山下三生石上一

笑領悟固奚容多辨咸淳第八夏至日趙潛題

正法眼藏涅槃妙心八大字石刻

無名氏

見三山志

佚今

傅先生石室五字

劉介八分書

在雷轟石南畔

盧志劉介未詳時代志畧訂爲唐人今從之

曹口口題名

太和八年十月

江左金石志右題在雷崩石水中磊石架者下半埋於土前人罕有摹搨者

李扶誌

鄉貢進士馬郁撰

右石高一尺五寸二分廣一尺五寸二十九行行二十

七字至三十五字不等正書咸豐四年歸安吳雲得

於泰州故家同治三年攜置山中

老子道德經幢殘石

廣明元年十一月

在方丈

右石殘泐僅存經文九百三十四字款及年月十六字

無書人姓氏全文載入二百蘭亭齋金石記同治三

年春歸安吳雲送置山中

宋

封焦光明應公詔文石幢

佚

三山志焦光宋祥符間見夢真廟封明應公親製詞以

三告刻石幢殿中

羅漢巖三字
理宗御書
刻羅漢巖

宋
王作師等題名
刻浮玉巖

王作師周坤江士偉仲有懷曾德符
[淳]化四年十一月

二十日同遊

蘇洞題名
刻浮玉巖
八分書

郡太守河東裴煜如晦率上黨鮑安上子和東莞徐億
仲永吳興郊修輔景臣晉陵丁寶臣元珍武功蘇洞
大雅同遊焦山普濟院治平甲辰歲仲春十八日洞

題

陳朴等題名

刻雷轟石

左書

陳朴文叔章道卿子充葛蘊叔忱熙寧元年三月九日

陪明州使君潁川公遊

劉龜年題名

刻雷轟石

左書

劉唐年君佐弟延年子永龜年仁父彭年元老因訪右

軍碑躋攀至此熙寧元年季春二十日龜年謹題釋

景宗同遊

陳襄等題名

陳襄述古陳朴文叔章道卿子充葛蘊叔忱戊申三月
九日同遊

張克從等題名

張克從錢洵朱成仲元豐辛酉仲冬四日同觀瘞鶴銘

許介卿等同觀瘞鶴銘題名

元豐癸亥

見三山志佚

明應公祠銘

米芾撰并書

佚

米芾題名

刻浮玉巖

仲宣法芝米芾元祐辛未孟夏觀山樵書

焦山志畧

世未知焦山有米刻者雍正丙午歲山陰潘寧始於

崖薜間剔出仲宣甘露寺僧從佛印遊見葉夢得避暑錄法芝金山僧王安石有和法芝詩

陳安民等題名

刻浮玉巖

陳安民子惠曹宣符德輔章授敬時呂升卿明父紹聖三年三月廿三日冒雨至焦山食已雨霽遂躋絕頂四顧無礙至者咸適

綦立等題名

刻浮玉巖

左書

青社綦立與權山陰賀鑄方回南陽張德洵公美廣陵左嵩和叟建中靖國元年九日遊

胡師文等題名

刻浮玉巖

胡師文元質張根知常劉達公達同遊焦山普濟禪院

崇寧元年三月九日

陳廓等題名

刻羅漢巖

陳廓彥明范柔中元翼道人明從同遊大觀己丑季春

七日

陸務觀等題名

刻浮玉巖

陸務觀何德器張玉仲韓无咎隆興甲申閏月二十九
日踏雪觀瘞鶴銘置酒上方烽火未息望風檣戰艦